

野史

十一

乙

第二十九卷	皇族列傳
僧元達 小倉皇子 僧真阿 義有王	
尹良親王	
第三十卷	皇族列傳
滿仁親王 邦恒王	道朝親王
第三十一卷	皇族列傳
榮仁親王	
第三十二卷	皇族列傳
智仁親王	

					和書門
		八			
		一	七		
		九	一		
		一	〇	二	
		〇			
		〇			

内閣文庫	
番號	和 8712
冊數	100 (11)
函號	139 9

調査録





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





野史卷二十九

皇族列傳第一

僧元選

小倉皇子

僧真阿

義有王

尹良親王

良王

僧元選。字無文。後醍醐帝皇子也。

飯田忠彦
修
男
文彦
訓點
竹中
邦香
校

○南山巡狩錄。南朝補任云。僧元選者。滿良親王也。延元三年三月。為親王。稱花園宮。為僧改今名。○按日本史。作元亨三年為僧。今推寂年。則元亨三年。元選生年也。

為僧。與國中入元。嗣法福州高仰山古梅文元子。有賦詩并序云。元選侍者。遠來山中。孳々學道。命之侍者。能處寮舍。職滿。求偈巡禮。書以為時中警策。航海梯山來選佛。忘食廢寢。貴明心。六塵不惡。心無住。消得人間萬兩金。鄒光徵書引古寫本。歸國居美濃。經歷京畿。又居參河高橋莊廣澤菴。從學者多。元選每厭之。會遠

寮舍以下未詳

江國人奧山朝藤慕德就學。元中元年。將遷遠江。航海于豐田郡加島。船不行。元選觀念。須臾船輒進。遂入井伊谷奧山。登衣晞山。望姥懷山。曰。山地幽邃。似天台山。朝藤乃建一寺居焉。就學者多。又赴美濃。造了義寺於椿洞。而歸奧山。元中七年閏三月。寂于方廣寺。年六十八。塔號默靈。絕命偈曰。平生顛倒。今日即當。末後一句。雪上加霜。又生如出岫雲。死似行空月。一念認性相。萬劫繫驢橛。禪師行狀及語錄。小倉皇子。名未詳。後龜山帝皇子。中宮藤原氏所生也。稱小倉殿。南朝紹運國史實錄。○按南方記傳稱小倉皇子者。所謂長度院。名寬

成云々、○南朝紹運圖引南帝系圖云、後村上帝
第一皇子長慶院自殺於山門、蓋誤矣、故今不取、
初從帝于嵯峨。正長元年。稱光帝大漸。繼嗣未
定。皇子意欲使其子代承大統。七月竊出嵯峨。榘葉
記、國

○按讀史餘論引南方紀傳云。迄後花園帝立
也。皇子寬成與從一位吉田守房等潛出所居。南
方將士怨恨。正長元年十二月。寬成往伊勢。依賴
國司北畠氏募兵。官軍亦舉兵於芳野。
伊勢。憑國司北畠滿雅謀恢復。榘葉記、信
濃宮傳、滿雅素
憤皇子不踐祚。乃募統下為舉兵。記
傳、初大將軍義滿

使大內義弘議和事。蓋詭後龜山帝。以兩統迭立。
如乾元延慶之故事。而帝之入京師也。亦出于睿
蹙不得已之計。以故皇子常懷覬覦。而知後小松
上皇意屬伏見殿。方稱光帝疾劇。宿志益急。使人
僞稱鎌倉使者。往伊勢說國司滿雅曰。持氏有命。宜
取小倉宮起兵。滿雅諾。使者又曰。我當徑往取之來。
滿雅曰。善。使者乃還嵯峨。擁皇子至伊勢。既而使者
恐發覺。晦跡。滿雅初知其被欺。而事不可遽止。遂為
皇子舉兵。榘葉記、
薩戒記、永享元年七月。大和國人越智十
市布施萬財氏等起兵。應皇子。與畠山持國戰。記傳、
餘論、

野史
卷二十一

三

大將軍義宣下令土岐氏擊滿雅。滿雅與世保持賴。戰于岩田。軍敗。椿葉記、記傳、○持賴名、或作土岐與安。

○按本書滿雅戰死于此。而北畠家傳載滿雅以永享十二年七月薨。年六十四歲。故今不載。

皇子乞成。復歸嵯峨。椿葉記、紹運圖、義宣諭令薙髮。實之萬壽寺。記傳、餘論、法名曰覺理。餘論、長慶記、號、永享二年春。和泉

河內紀伊軍潰。國人多降于幕府。記傳、四年十一月。越智伊豫守與幕府兵戰于大和。記傳、近衛某出吉野

赴紀伊。號堀內殿。竊募南方餘類。餘論、○或作近衛左大臣。今按公卿補任及南方紀傳。

左大臣藤原經忠。建武四年五月。參吉野。正平七
年秋薨。經忠子經家為關白內大臣。元中六年薨。
經家弟冬實從三位左近衛中將。天授六年薨。此
餘不見近衛家流屬南方人。本文稱堀內殿者。經
忠號堀川。粗相似。疑堀川氏族猶存者矣。

十二年八月。大僧正義照。大學寺門主、勸皇子密謀再舉。
使投令旨於菊地氏。募舊盟將士。皇子稱病不出。潛
蓄髮。幕府遣人物色之。義照懼。奔西陸而遭害。事遂
寢。記傳、有三子。曰義仁。曰教尊。曰尊義。

○南朝紹運圖云。小倉皇子第一子曰某王。永享



中。南朝奉以為主稱天基天皇。生二男一女。長曰尊雅。次曰尊慶。尊慶為僧入遊行寺。為清淨光寺第十四世住持。號他阿上人。或作化阿。鹽尻。字大賀。神緣起作十四世大

空上人。女曰尊子女王。

義仁王。稱妙福宮。初居伊勢大河內。後遷下野。應永三十一年在美濃。為武士所擒。紹運

僧教尊。門跡傳作聖。或尊聖。正長元年。巡狩錄作永享元年。入勸修寺。

為僧。門跡傳作聖。或尊聖。任權僧正。門跡傳。受業於僧正興胤。門跡傳。

任大僧正。南朝編年記。東寺過去帳。兼安禪寺寺務。編年記。門跡傳。永享四年七月八日。寂。東寺過去帳。門跡傳。

○按門跡譜云。聖尊者。後村上帝第一子。長慶院寬成親王。南方玉川宮男。後醍醐帝彥孫也。

○門跡傳云。南朝長慶院。玉川宮第一子也。○野

史氏考建內記云。正長元年十月十六日。玉川宮

昨日有消息事。是日因物忌未達聞。十七日。玉川

宮所謂田中莊事。先是已決。迄今叵改。飛鳥井屏

居中。唯可以聞焉。二十五日。護性院宮使者惟熙。

缺。來請定莊園事。自玉川宮有消息。促之云々。今

按諸書。玉川宮。及長慶院寬成親王。並似與小倉皇子相同。未得所徵。姑附備考。

尊義王。南山巡狩錄附錄云々。櫻雲記、椿葉記、作云、南
朝皇胤万壽寺僧、○護正院文書云、万壽寺僧、金藏
主○天地根元歷代圖云、南帝一族、金藏主、既為太
上皇、初為僧、為万壽寺派海弟子、號金藏主。紹運嘉
帝云、
 吉中。吉野兵奉王為南方主。還俗潛稱帝。續神皇正統記、陸戒
記、三年七月。吉野十津川餘黨。及河內紀伊國人擁
 尊義。紀傳作寬密謀恢復南朝。從一位入道藤原有
 光為之內應。赴會者三百餘人。紀傳、實錄、九月二十三日
 夜。大和河內紀伊國人。間行入京。分作二部。襲土御
 門內裏。自西門入。楠二郎率一部。侵入清涼殿。越智
 某一隊。入局町。縱火。事起倉卒。眾驚騷。不能拒禦。一

卒執眉尖刀逼上。目眩而殞。眾見之不相進。藤原
 親長。季春。殘櫻記作季實、揮劍拒禦。上解冠袍擬
 姿。出自唐門。潛避之。參議藤原持季第。轉幸左大臣
 藤原房嗣第。南兵奪三神器。幕府聞變。遣兵擊之。南
 兵敗逃。東門守衛黑田高滿逐之。復神鏡。更追蹤。南
 兵附匿名書。棄神劍於清水寺傍。僧心月拾得奉還。
 南兵持捧神璽登叡山。續正統記、奉尊義稱南帝。招
 兵據根本中堂。天地根元歷代圖、二十五日。畠山
 持國率兵來圍。山徒變約倒戈。攻擊太急。楠越智氏
 等皆戰死。尊義遂自殺。有光及其子參議資親。就擒

尊義王

雅。所誅。紹運圖、看聞、御記、記傳、尊義有三子。曰尊秀。曰忠義。曰尊

子。託神璽於空。因入吉野。號自天大王云。

○按續神皇正統記。薩戒記並作山門敗。小倉皇尊秀王。父王自裁後。吉野遺命。奉神璽。擁尊秀。稱南方新皇。或稱自天親王。或作自天大王。居北山莊大河內。稱北山宮。擁忠義王于河野谷。稱河野宮。人稱南方二宮。私建元。曰天靖元年。當嘉吉三年。續正統記、記傳、上月記、康正元年。尊秀予書於邑河盛氏等募兵。櫻記、色河所藏令旨、二年十二月。赤松遺黨石見雅助。竊附內大臣藤原實量。謀

復赤松氏。雅助舊僚中村貞文。上川滿吉等。到大和宇智郡。衆黨相約。將欲入南山奪神璽。會有中村宗道及兵庫助。變圖告以其謀。故王初拒而不納。貞文被官小倉與次剃髮號忠阿彌。潛入伴稱間島彥太郎云。滿祐弟教祐之子也。請見示無異志。尊秀謂大逆之遺孽。跼踏宜然矣。寢不疑。便寓於山中。而其黨往々入焉。尊秀北山居與河野鄉。其中間隔一大山。相距僅八里。貞文黨二十九人相分。陰窺便。紹運圖、上月記、長祿元年十一月。山中雪深。貞文等狙隙。是月二日夜。其黨丹生屋帶刀左衛門。其弟四郎左衛門。遂入

北山我尊秀奪神璽而去。僕人井口太郎左衛門死之。左右追躡。帶刀乃瘞尊秀首于路傍。欲欺走。退而迸于外。覺獲帶刀兄弟及貞文太郎四郎等于伯母谷。復取神璽。索得王首於積雪中。尊秀時歲十八。是日。滿吉彥太郎等襲河野谷。彥太曳忠義王衣。滿吉戕之。宇野大和守高野山智莊嚴院及弟子僧定順。二郎三郎族失四人拒鬪死之。滿吉彥太等死者八人。忠義王時歲十六。紹運圖續正統記上月記尊雅王。二兄王遇戕。而後楠正理等擁立尊雅。奉神璽。居十津川。長祿二年六月。遷居吉野。小寺性說在

大和。與國人越智某小河中務少輔議。率間島衣笠等來襲。尊雅復走十津川。八月二十七日。夜。性說中務等追躡掩擊。續正統記上月記尊雅被傷。適吉野北山高野山高福寺。遂薨。諡曰高福院。傳間島等奉神璽入京師。南朝皇胤。於是乎絕。續正統記上月記。亦松記。僧真阿。本名良仁。後龜山帝皇子。號帥官。為僧號義恩。後改真阿。紹運圖初居誓願寺。大將軍義教見真阿。送和歌曰。俱知爾登那返。曾止伐仁可枳氏。味陀波美由。加加須登奈遍奴。味陀乎袁之閉與。真阿答以歌云。那仁止布久。可勢止波左羅瑠。志良年止母。

神皇正統記卷之十一

安波麗毛豫本須阿幾乃久禮可南。十念寺緣起鹽尻一日。謁義教。適有囚爲請肆赦。不聽。詠歌云。盡斐乃免仁。仁久志止於毛布。謨能曾那伎。等餓阿留味許楚。奈保阿波禮南麗。義教感情乃赦之。又爲修一菴室。寄之眞阿。眞阿詠歌云。波者乎加幾萬津。哀伴之良邇。新伐乃以保。可筮波布久止母。左斐之加良免也。乃創十念寺。寄佛餉田四十八斛。眞阿爲之開祖。永享十二年六月。罹疾。七月二日。把筆書南無阿三字。竟寂。年六十六。遺囑水葬于下鳥羽淵。十念寺緣起義有王。後村上帝第六子說成親王子也。初爲僧。

名圓胤。住圓滿院。任大僧正。爲一身阿闍梨。諸門跡傳

○按日本史。圓胤大僧正者。皇太弟泰成之子。又圓悟。載係說成親王之子。○康富記不載名。而上野宮御部類。又護性院御部類云。○讀史餘論引諸門跡傳云。行悟者。南朝後龜山院皇子。後圓滿院宮僧正圓悟。南帝五常院宮之子。號圓滿院云々。康富記所謂護性院。乃門跡系圖所載五常院矣。或作前門主。然則文安四年。皇子自殺云者。行悟僧正矣。○殘櫻記云。說成親王。按上野宮院宮。諸門跡譜。載子。前圓滿院門主大僧正圓悟。五常院乃是也。

或作圓胤。法親王。還俗稱義有。按諸書未有所見。圓胤
圓悟並為親王。伴信友據何所見乎。可疑。

世稱圓滿院還俗官。康富記、諸門跡傳、文安元年。助尊秀王。

募大和河內和泉土民。據紀伊牟婁郡北山舉旗。嬰

八幡城。八月。熊野本宮徒告變。幕府或疑新宮那智

徒。未報之猶豫。事實稍聞。畠山德本傳令。攻八幡城。

而不克。南兵乘機掠畧近郡。德本復遣細川出羽守

加兵來攻。防禦勢撓。棄城奔湯淺城。三年九月。德本

遣家人遊佐兵庫助。及宇都宮入道禪綱。或作禪綱。攻湯
淺城。城兵扞禦。勢撓禪綱敗。走粉川寺。記傳、四年。兵庫

禪綱等募兵圍攻。十二月二十二日。城終陷。楠二郎

等士卒多死。義有自盡。紹運圖、記傳、康富記、明年正月。送首于

京師。入莊嚴寺。寺在高堀川、具狀以聞。二十七日。畠山持

泰率騎士二十人。到寺門外。託首於左衛門大尉坂

上明世。大判事大石維弘。因為皇族。廷議不准朝敵。

莫徇大略梟焉。康富記、

尹良親王。後醍醐帝之孫。征夷大將軍宗良親王

之子也。信濃宮傳、鹽尻、延元元年。并伊介道政迎宗良於遠

江。經略東國。數與敵兵戰。並合記、文中三年冬。宗良自

伊賀入南都東南院。東南院獻馱餉。詣春日社。巡拜

元中五年春。尹良出宇津野。復赴上野。鎌倉兵聞之。來襲。十二鄉土族禦之。柏坂。尹良入鈴木丸山館。貞職等擁衛焉。敵圍攻數日。會官軍來援。與鈴木兵俱出丸山。而衝敵陣。鎌倉部將上杉重方及島崎大炊助等。以步騎五千進攻。貞職兵僅二百五十騎。與大炊接戰。獲長野安房等。敵兵勢疲而退。貞職追擊。大炊久戰數合。定元高家正重業忠遠幹等來助。俱擊大炊。大炊遂收兵。重方部下死者二百餘人。退陣于上一色。貞職整旅而回。正茂曰。是瑣事耳。今從君於羈旅。不可苦戰。貞職曰。諾矣。但彼聞我名久。及其迫

不奮戰。亦遺憾也。所以長驅。遂商議。使正武道次二郎高橋太郎四人。兵二百餘騎。奉尹良。自丸山過甲斐。留武田信長第數日。八月。遂到上野。入寺尾城。新田世良田一族。皆屬焉。並合記、信濃宮傳。

○信濃宮傳云。明德四年。南北和睦。時尹良駐行宮趾。歷伊勢。而到駿河富士谷宇津岑。稱曰宇津岑宮。○兵家茶話云。應永四年二月。從伊勢而赴至富士谷宇津峰。○茶話又云。尹良以應永七年正月。率遠駿兵。入寺尾城。

應永十年四月。新田義隆死于底倉。鎌倉兵侵伐上

野。尹良與世良田有親等。避銳于下野落合城。信濃茶話、
信濃宮傳、○並合記作應永十九年七月十一黨、及
桃井、世良田、熊谷、宇佐美、開田、上野等、奉尹良、自島
崎遷居、十九年四月、上杉憲定發兵攻寺尾城。世良
落合城、田政親禦戰。被傷。入長樂寺自殺。其族親氏奮擊脫
歸。三十一年四月。新田義一。世良田政義。親秀。桃井
滿昌。入道宗徹。大井田安房守。羽川景庸。景國。宇都
宮一族。大岡重宗。宇津道次。大庭景平。熊谷直鄉。兒
玉定政。酒井忠則。鈴木政長。大野遠幹。遠貞。十田宗
忠。大草信長。布施重政。千村家通。石黑上野山內土
肥小山。及四家七黨奉尹良。經高崎安中碓氷。歛出

阻撓。擊卻之。到信濃。入千野賴憲島崎城。島崎或柿崎、小
笠原政秀。野或作千野政季、木曾士千久祐矯。及高政。澁谷等
一族隸屬。八月。尹良發島崎。將如參河足助。憑吉良
氏。途詠歌云。差須羅返能。味仁之阿里那伐。寸彌毛
波氏牟。止萬梨左駄免奴。宇伎多斐乃曾良。自書予
之千野伊豆守。是時。西鄉正庸。桃井義繁。與新田一
族嬰落合城募兵。適久世土屋某等。自參州來。途迎
尹良。是月十三日夜。過杖突嶺。土賊壅前路。據山放
射。政秀祐矯拒擊卻之。十五日。自飯田入參河。經小
山麓大河原。或作大野、驟雨屢至。道路泥濘。迄未刻。烈風

滋起。暴雨彌下。晝暗不辨咫尺。土寇復來掩擊。飯田太郎駒場小二郎。紹運圖作駒場大膳亮。伊奈四郎左衛門等。率土寇二百餘人。自呼其名侵擊。宗徹。義秋。景庸。及一宮助長。酒井貞忠。貞信。熊谷直近。大庭景鄉。本多忠弘等。拒戰。賊素諳地理。走懸崖。涉峭壁。縱射雨注。士卒皆傷。宗徹政滿等。知不可免。奉輿入民舍。勸自裁。尹良召從者。犒謝功勞。政滿受遺旨。脫走上野。而尹良自裁。宗徹等二十五人。焚舍殉矣。

○信濃宮傳。壘尻。並云。尹良自諏訪。歷伊奈路。飯田駒場伊奈等。二百餘人。伏于並合小山麓。大河

原。急起掩擊。從者八十餘人。奮激力鬪。飯田伊奈徒十餘人死之。義秋。景庸。直近等。二十五人陣歿。尹良察不可克。囑從者。託子良王。送參河。而入大河原氏屋。縱火而自盡。

今呼其地。稱宮原。瘞殉尸。築墳。曰千人墳。追諡尹良曰大龍寺宮。碑在信州並合聖光寺。並合記、信濃宮傳、有二

男一女。長曰良王。次曰良新。良新。讀曰與之。可知。稱兵部卿。

始爲尾張津島神主職。十一黨庶流爲神官。奕世相傳。茶話、大橋系圖、良新無子。養大橋貞元子爲嗣。是爲定常。

承神職。食中島郡冰室。稱族冰室。女名櫻子。適大橋

三年宜作
二十二年

定省。產貞元。信有。

良王。讀曰良。與之多加。母世良田政義女也。紹運圖。並合記。應永三年

二月。生于寺尾城。正長元年四月。堀田正重。大橋貞

元等。奉入參州作手。並合記。作入。下野落合城。永享元年。出上野

赴信濃。過碓氷嶺。遇上杉氏兵狙擊。良王避入木戶

河內守城。五月。徙木曾領金子館。千久五郎來迎入

千久館。世良田政義。桃井貞綱等。與四家七黨擁衛。

將如尾張。七年十一月朔。至並合。飯田駒場之族。深

讐王家。聚黨來襲。貞綱及兒玉貞廣等。奮擊獲寇百

三十餘人。十一黨及宇都宮綱忠。佐美定幹。大野

五月一本
作五年

上田久世土屋等。奉良王避寇于佐浪山。政義貞綱

貞廣野田加治某等。二十一人戰死。五日。到參河鳴

瀨村。村民物色不納。轉經坂井鄉。入作手正行寺。尋

聞吉良今川一族起兵。將來襲。十二月。至尾張。歷明

知山。入門間莊津島。大橋定省。奴野城。並合記。信明

應元年三月五日。薨于津島。年七十八。號瑞泉。寺後

又崇其靈。稱御前大明神。廟在于津島。並合記。有子。神

主大橋貞元女所出也。為津島奴野城主。稱族大橋

名信重。稱和泉守。大永二年四月卒。子定廣嗣。稱大

膳大夫。定廣子定安。定安養子重一。相襲居奴野城。

織田信秀

大永四年。織田信秀及信友。率兵三千。來襲津島。一黨自焚津島。拒戰于早尾。信秀遣坂井正尙來媾和。以信秀女配重一子重長。十一黨皆屬織田氏。為緣族。明年。重一讓奴野城于重長。徙居高須城。在美濃石津郡。重長有四子。長曰長將。曰重賢。仕右府信長。後屬東照宮。曰信一。字勘七郎。稱族織田。茶話、大橋家傳、見性寺文書、作津仕信長。戰死于本能寺。見性寺文書、作殉于二條。季康忠。稱山城守。隸北條氏。守白井城。乃蘆戶城。天正十八年。削髮號宗西。長將仕信長。有二子。長曰宗信。或作額冬夏。為真野定季養子。稱藏人。又豐後守。茶話、大橋家傳、仕軍記。

輪忍倫賦

右府秀賴于大坂。為入隊長。迄城陷。自殺于千席院。大坂記、東遷基業。次定輪。字五郎右衛門。繼祖父江氏。削髮號保西。或作法齋。初屬福島正則。後仕東照宮。隸青山忠成隊下。更族青山。名清長。大坂冬役。竊通文書于城中。城陷而後賜死于伏見。關難問記。

野史卷二十九

野史卷二十九終

野史卷二十九終

野史卷三十

皇族列傳第二

滿仁親王

邦恆王

道朝法親王

滿仁親王。龜山帝曾孫也。帝第七子恒明親王

特被寵愛。叙一品。任式部卿。稱常磐井宮。恒明生全

仁。爲親王。叙三品。任中務卿。兼太宰帥。全仁子乃滿

飯田忠彦修

男文彦訓點

竹中邦香校

野史

卷三十

十七

仁。滿仁嗣立。爲親王。任彈正尹。後薙髮。紹運錄、源氏系圖。或云。滿仁莊節愛妾。以貽足利義滿。因得爲親王。日本史引。後愚稱常磐井宮。增鑑太平記。五子。長直明王。直或作眞。次等興。爲崇光院猶子。爲僧居勸修寺。受業於興信法親王。准三宮。兼安祥寺寺務。紹運錄、諸門跡傳。次恆邦王。次恆興王。並事闕。紹運錄。季興胤。爲僧居勸修寺。任權僧正。補東大寺別當。兼安祥寺寺務。門跡傳。直明有二子。長曰全明。次曰恆弘。恆弘爲後崇光院猶子。紹運錄。爲僧居勸修寺。爲親王。紹運錄、門跡傳。兼安祥寺寺務。永正六年閏八月薨。門跡傳。

全明親王。爲後崇光院猶子。爲親王。任彈正尹。紹運錄。薙髮。大永元年十二月薨。年八十一。拾芥記。二子。長恆直。紹運錄。次義恆。爲僧居實相院。受業於僧正增運。准三宮。爲園城寺長吏。門跡傳。恆直親王。爲後柏原帝養子。紹運錄。永正九年十一月。爲親王。國史實錄、帝王系圖。任太宰帥。紹運錄。十年七月二十五日。恆直詣清水寺。浴音羽瀑布。有賊三人。執槍來狙將害。恆直被疵脫走。拾芥記。天文二十一年八月薨。補任。邦恆王。後二條帝曾孫。皇太子邦良之孫也。又曰

康仁任中務卿。元弘元年。光嚴院授以親王。尋立爲太子。追王師攻京。從光嚴院入六波羅。後醍醐帝復祚。廢爲親王。居木寺宮。正平四年四月薨。年二十六。紹運錄、源氏系圖邦恆嗣居木寺宮第。世稱木寺宮。紹運錄有六男一女。長世平。次殤。次天。餘皆爲僧。女繼嬌子內親王遺宮。紹運錄世平爲親王。失事迹。生二子。紹運錄跡傳、仁和寺御傳、長邦康親王。次承道法親王。承道法親王。應永十五年八月生。二十六年七月爲僧。居仁和寺。從准三宮法尊受教。爲後小松帝猶子。門跡傳、仁和寺御傳十二月爲親王。仁和寺御傳三十一年十月。從弘助法親

王灌頂。看聞御記三十四年四月。直叙二品。正長二年六月。兼寺務。仁和寺御傳享德二年九月。進一品。准三宮。仁和寺御傳是日薨。年四十六。號法金剛院御室。仁和寺御傳、門跡傳○一本紹運錄、作後金剛院御室。又作金剛定院。金剛院邦康親王。康正元年正月爲親王。十月冠。康富記叙三品。任中務卿。紹運錄、康富記當是時。公私衰耗。費用不給。法深入道。親王使總在廳慶暹奉經費。迄行冠禮。慶暹亦陪之。識者謂焉。康富記有子師熙親王。永享十一年閏正月生。爲後花園帝猶子。享德二年八月。爲親王。尋爲僧。受戒於僧正禪信。改名法深。又弘覺。後改

靜覺。仁和寺御傳、門跡傳。居仁和寺。受教于乘朝法親王。初居下河原上乘院。宣胤記、胤胤叙二品。紹運錄進一品。門跡傳長祿元年十二月。灌頂。文龜三年七月。薨。年六十五。號後光臺院御室。仁和寺御傳、門跡傳。

○御浴殿上日記云。天文元年七月二十七日。以木寺宮為天皇猶子。時宮在國云々。是時。木寺宮為何人乎。不詳其名字及為何國。

道朝法親王。後圓融院第二子也。從三位藤原今子所出。為僧居上乘院。受業於乘朝法親王。文安三年二月。薨。年六十九。號下河原宮。紹運錄、門跡傳。

野史卷三十終

野史卷三十一

皇族列傳第三

榮仁親王

榮仁親王。崇光院之子也。皇胤紹運續錄、母三位局權
 大納言源重資女。正平六年生。天授二年十一月。加
 元服。皇代紀事、初崇光院生于賀名生。足利義詮立崇光
 院弟彌仁。是為後光嚴院。後自賀名生還。居伏見宮
 第。方後光嚴院遜位。託細川賴之。以其子諸仁。崇光

飯田忠彦 修
 男 文彦 訓點
 竹中邦香 校

註有栖川
下宜加山
莊二字

院亦遣權中納言藤原教光託榮仁于賴之曰承久
以來皇嗣每決武弁之意爾其宜斷之賴之辭曰非
臣所知也既而諸仁立是為後圓融院由是崇光院
怨後光嚴院遂大生隙薙髮受戒應永五年遂崩莊
園皆歸禁闕榮仁在故宮第居常寥寥竟入大光明
寺剔髮更名通智椿葉記○通智或作道智應永五年五月直仁
親王薨大將軍足利義滿以直仁故居萩原殿及播
磨國衛等地給榮仁自奉焉椿葉記八月榮仁移居萩
原宮第託伏見第於幕府迎陽記十年榮仁徙自洪恩
院居斯波義重嵯峨有栖川山莊國史實錄○洪恩院有栖川並在嵯峨

峨○椿葉記云榮仁居嵯峨七八年二十三年十一月薨紹運續錄親
和歌年六十六號大通院親王系圖葬大光明寺榮
仁原皇統之適流然沉淪年久迄病獻歷朝所傳柯
亭笛於後小松帝以治仁為嗣稱有栖川宮紹運錄實
錄又萩原殿北山行幸記有二子曰治仁曰貞成
治仁王應永十五年十二月冠系圖二十四年二月十
一日雨下右近衛中將源長資來訪偶語少時治仁
發中風病明日遂薨年三十七承統未滿數月人嘆
惜僧絕海授號曰松屋景行三月號葆光院法名大
範衍公初道號曰松屋因不協法諱更稱大範院號

亦初稱光德院。識者難之云。仁和寺德光院者。扶原殿稱號似錯置。因改稱今號。御記、有三女。長爲尼。稱十如院。號鳴瀧菽原殿。應永三十一年。寂。年十三。次女爲尼。名眞乘。入岡殿。御記、文明十四年五月。寂。龍長

記、資、季女事闕。

後崇光院。諱貞成。母權中納言藤原實治女。號大納

言局。紀事、紹運文中元年。生。紀事、應永十八年。冠。系

治仁薨。承統。三十二年四月。爲親王。時年五十四。親

系圖、應安四年生。是時五十五歲。今從看後

小松上皇。欲追資後圓融院冥福。親寫金字法華經。

令恐俗誤

使貞成助寫。追記名字。辭曰。臣無官爵。亦不足記名。

上皇憐。更冊爲親王。旣而稱光帝弗懌。而未發。

帝嘗好聞陶眞唱平家曲。上皇諷諫止之。至是

大恚。將遜位。大將軍足利義持遽入諫之。帝意未

解。上皇密諭貞成薙髮。薩戒記、椿葉記、○皇代記

十一年七月。不諱。稱光帝有病。義持入奏。儲宮未定。世

謂。帝若不諱。則貞成宜承大統。帝怒曰。不黜貞

成。則朕可遜位也。義持奏請止之。上皇七月。薙髮。

法諱道欽。看圖、御記、受法號于僧大淵。看圖、上皇

養後花園帝爲子。追稱光帝大漸。後花園帝

踐祚。永享二年十月。帝御禊于河原。道欽竊觀儀

仗大喜。歸伏見。大將軍足利義教奏。上皇復伏見殿舊稅。道欽多年蟄懷。於是始發。關白諸卿及義教皆來慶之。實錄。文安四年十一月。上尊號曰太上天皇。紹運續錄。明年二月。復書曰。伏見去年十一月二十七日詔書。尊號爲太上天皇者。忽驚叡辭。更想曩事。太上者。至尊之號也。貴於君。天皇者。登極之稱也。大於帝。是聖主之所蹈。非人臣之所居。况亦內無遜位之名。外闕傳國之德。唯以篤族之高義。豈料尊親之憲常。與得崇重於當時。孰避謗訕於後代。早罷太上之徽號。令遂謙下之懇懷。康富記。康正二年八月。薨。年

八十五。系圖、永享行幸。謚後崇光院。紹運錄、初應永三十一年冬。貞成因有密所請託。權大納言藤原公雅上寬平延喜御記。諸寺御幸。及朝覲行幸部類記等於上皇。以兩朝記籍舊錄皆失。故上皇深嘉焉。看開記。永享五年二月。上椿葉記。首述伏見繼統興廢。中祝踐祚之慶。尾演自願尊號之榮。而諷奏天皇學文。且使不廢和歌管絃之道。實錄。嘉吉三年二月。權大納言源通淳。使左近衛少將源有俊贈鶯宿梅一枝於道欽。附以歌云。幾美俄多兔。布可枳仁本斐乎。許女氏遠流。巨々路波宇女乃。波奈爾味遊羅武。

道欽荅云。多袁梨計留。那差計廼保斗波。宇俱比寸
能耶。登禮留宇女。乃以漏可珥曾之類。嘗備記崇光
院以來。皇統盛衰。及海內動勢。號正統廢興記。又書
看聞御記。傳于世。御記初道欽間居伏見。厭世務。詠
歌云。以都末傳可。差止乃奈仁安布。玖禮多計能。不
志味珥能美也。和俄世通久左舞。又探題詠鷹狩云。
美加里勢之。伽梨伐乃安登毛。以萬波世仁。阿波麗
可多能乃。遊幾廼布類味遲。又詠早蕨云。耶麻都都
廼登枳楚斗毛那伎。須差比珥母。於里半和寸禮奴。
波留乃差流良飛。迄後小松上皇崩。幽居絕世務。

雖立爲親王。更不預朝儀。聞雁啼。將薙髮。詠歌云。阿
羅末之能。許許呂廼寸惠波。曾禮奈俄羅。於母半奴
耶麻仁。壽美曾免乃曾傳。池藻嗜和歌。有集曰砂玉
和歌集。砂玉和歌集、永享行幸記、納贈左大臣源經有女幸子爲
妃。生後花園帝。及貞常親王。紹運錄、系圖、紀事
貞常親王。應永三十二年十二月生。系圖文安元年二
月。爲親王。系圖或本云。南方記傳。作永享四年。二年三月。
冠。系圖四年三月。叙二品。任中務卿。系圖寬正五年
七月。後花園帝幸于貞常東洞院第。授二品。系圖文
明六年七月。薨。年五十。號後大通院。系圖紹運錄、親長記、贈

一品。親長記、○或云、永正四年二月、因阿保親王贈爵之例云、年抄、立有和漢才心莊溫順。親長後花園
帝詔令貞常承伏見殿正統。迄今奕世相襲。稱伏見
宮。永享行幸、實錄、納權大納言源重有女盈子爲妃。有多
子。長邦高親王。次堯胤入道親王。次高平親王。次常
信親王。次覺胤法親王。次道應法親王。次僧慈運。次
僧等貴。系圖、諸門跡傳、堯胤等貴。生母未詳。餘皆盈子之出
也。系圖、堯胤入道親王。後花園帝養子之。文明二年
閏八月爲親王。親王記、門跡傳、入圓融房剃髮。門跡傳、十年九
月。奉授鎮將夜叉法於後土御門帝。准昔時傳教

大師。授此法於桓武帝之故事。叙二品。親長明應
二年四月爲天台座主。天台座主記、拾芥記、門跡傳、永正十五年
四月。慶延曆寺中堂。堯胤爲導師。座主記、水記、居任己二
十五年。宏覽藏經。行德超衆。人皆敬之。水記、尋辭座
主。座主記、享祿三年三月薨。或作永祿二年、○門跡傳、作永正十年六月、並不合、
號後壽量院。門跡傳、高平親王爲後土御門帝猶子。
系圖、門跡傳、文明四年八月爲親王。紹運錄、親王記、入仁和寺剃
髮。改名道什。後改道永。受學於大僧正禪信。系圖、移居
上乘院。門跡傳、常信親王爲後土御門帝養子。紹運錄、
文明十五年二月爲親王。親王記、又改名常弘。入勸修

寺爲僧。改名覺圓。系圖、門受業於恒弘法親王。系圖、兼
安祥寺寺務。門跡永正十年八月薨。年五十三。系圖、號
染王院。系圖、門覺胤法親王爲後土御門帝猶子。
紹運錄、入妙法院剃髮。長享二年八月爲親王。親長
門跡傳、從准三宮教覺受業。系圖、親叙二品。系圖、永正十五年
四月爲天台座主。座主記、宣胤記、拾芥天文十年正月薨。座主
記、公卿道應法親王爲後土御門帝猶子。門跡入
聖護院爲僧。名興譽。門跡傳、或文龜四年二月爲親
王。門跡後改今名。補園城寺長吏。兼三山及新熊野
檢校。知大吉祥院箕面山等寺務。門跡僧慈運爲

後土御門帝猶子。爲僧名良嚴。後改今名。居曼珠院。
從大僧正良鎮受業。又學僧公助。任大僧都。門跡叙
二品。任僧正。號二品僧正。系圖、門跡傳、號松牧子。皇年代
天文六年六月薨。門跡傳、年贈一品。系圖、僧等貴入相
國寺爲僧。居萬松院。號宗仙。系圖、
邦高親王。康正二年生。系圖、文明六年四月奏請爲
後土御門帝猶子。不聽。固奏故事有先例請。遂詔聽
之。親王冠于室町第。大將軍足利義尙加冠。資益記、
作六月爲親王。系圖、親長記、七年九月任式部卿。
親長記、八年正月叙二品。親長記、永正十三年六月

薙髮。法名惠空。系圖、紀事享祿五年三月。薨。年七十七。系圖、

御浴殿上日記。號安養院。贈一品。紹運錄納左大臣藤原教

季女。生貞敦親王。又納左大臣藤原公興女。生海覺

法親王。僧等勝。及一女。並不詳母氏。海覺法親王為

後柏原帝猶子。永正六年二月。入勸修寺剃髮。二水

跡。從覺圓入道親王受業。兼安祥寺寺務。門跡。大永

五年六月。有心疾。歸居宮第。嚴助。後號勤長院。系。僧

等勝。入萬松軒為僧。號文山。系圖。大永六年二月。寂。年

六十三。二水。女適左近衛大將藤原房冬。系圖、二

貞敦親王。長享二年。生。紀事。文龜二年十一月。冠。系圖。為

後柏原帝猶子。紀事、系圖。永正元年二月。為親王。宜胤記、

十八年四月。叙二品。任中務卿。拾芥。天文十三年。薙

髮號澄空。紀事、系圖。元龜元年七月。薨。年八十五。號妙莊

嚴院。紹運錄、紀事。娶太政大臣藤原實香女。生五男三

女。長邦輔親王。次寬欽法親王。次堯尊法親王。次貞

齊親王。次熙明親王。女位子女王。適關白藤原晴良。

次等知尼王。為尼居中宮寺。號高祐。慶長七年。薨。次

惠彭尼王。入安禪寺為尼。系圖。寬欽法親王。為後奈

良帝猶子。系圖。大永六年二月。入勸修寺。二水。享祿三

年四月。剃髮為僧。四年二月。晦。有盜侵入。寬欽被傷

二所。左右狙擊却之。嚴助受業於海覺法親王。天文元年七月。爲親王。系圖、一本兼安禪寺寺務。門跡永祿六年十月薨。補任、門跡傳、○系圖、號後染王院。系圖、堯尊法親王。爲後奈良帝猶子。入妙法院。門跡剃髮爲親王。從覺胤法親王受業。門跡爲一身阿闍梨。門跡傳、天文十九年十月。爲天台座主。言繼記、二十二年七月。辭座主。御浴殿日貞齊親王。永正十八年九月。生。二水爲後奈良帝猶子。門跡天文十年正月。爲親王。入圓融房。補任、○系圖、剃髮名應胤。受業於彥胤法親王。系圖、二十二年七月。爲天台座主。御浴殿上

日記、言繼叙二品。補任、門跡傳、元龜元年四月。辭座主。御浴殿日記、還俗改名尊悟。補任、門跡傳、又稱瑞菴。門跡傳、慶長三年五月。薨。號後龍禪院。門跡生尊純法親王。尊純法親王。天正十九年十月。生。邦輔親王養爲子。爲後陽成帝猶子。慶長三年十一月。入青蓮院。受法于尊朝法親王。八年十二月。十二月從御浴殿記、薙髮。任權少僧都。十年。遷權大僧都。十二年。從大阿闍梨良恕灌頂。十四年。叙法印。明年任權僧正。元和元年。任大僧正。明年辭。八年。如日光。後數來往。寬永十七年三月。爲親王。正保元年六月。幕府奏請。令尊純兼日光山法

務。板倉重宗傳命。新建門室於江府。以皇子爲尊純
弟子。尋定尊敬入道親王爲弟子。十月補天台座主。
門跡傳、二年。辭座主、四年。叙二品。門跡傳、承應二年正
月。復爲天台座主。門跡傳、五月。薨。年六十三。系圖、座
傳、號圓智院。門跡傳、尊純善書。授入木道法于准三
宮道澄。道澄傳之佛地院僧正長圓。長圓授岡本正
惠。授受得其能。頗有名于世。芝屋、熙明親王。大永三
年七月。生。仁和寺御、爲後奈良帝猶子。天文八年
十一月。爲親王。門跡傳、補任、十二月。入眞光院剃
髮。改名寬法。後改任助。受戒於僧正尊海。十一年四

月。灌頂于眞光院。二十一年十二月。聽牛車出入宮
中。二十三年十二月。叙二品。元龜三年正月。進一品。
天正十二年十二月。薨于安藝嚴島。年六十。號嚴島
御室。仁和寺御、傳門跡傳、
邦輔親王。永正十三年。生。系圖、後奈良帝養爲子。系
作爲猶子、今實錄、享祿四年四月。冠。補任、天文元年七月。爲
親王。御浴殿日記、系圖、作四年、永祿元年。叙二品。
系圖、五年十二月。任式部卿。補任、繼任、六年三月。薨。年六
十一。言繼錄、紹、號後安養院。紹、運、性嗜飲。遂爲癩
疾。薨。言繼、納左大臣藤原公朝女。生貞康親王。側室

藤原氏生邦房親王。外婦生常胤法親王。尊朝法親王。守理法親王。最胤法親王。邦茂王。惟實系圖。常胤法親王。常胤或作性胤。永祿七年四月。入妙法院。爲正親町帝猶子。御浴殿日記。受業於堯尊法親王。系圖。剃髮。天正三年二月。爲親王。御浴殿日記。叙三品。花押。慶長二年四月。爲天台座主。座主記。元和七年六月。薨。孝亮號。雲龍院。好和歌。門跡傳。尊朝法親王。天文二十一年八月。生。爲正親町帝猶子。永祿元年十一月。入青蓮院。五年十一月。剃髮。從准三宮學恕學法。又受教於尊鎮法親王。門跡傳。六年十一月。爲親王。補任。門入

年十二月。補四天王寺別當。天正十二年正月。叙二品。受業於大阿闍梨亮信。十二月。再造延曆寺。先是元龜二年九月。當座主第一百六十六世覺恕之時。織田信長發兵。縱火襲山門。諸堂坊舍蕩盡。至是再成。座主廢絕。十二年。明年二月。更爲天台座主。門跡傳。座主記作十月。慶長二年二月。薨。年六十六。號龍池院。門跡傳。尊朝善書。著唐碕松記。傳于世。唐碕松記。守理法親王。永祿七年十二月。定名字剃髮。八年正月。爲親王。爲正親町帝猶子。入仁和寺。御浴殿日記。受業於任助法親王。門跡傳。固非法器。去室號一老。仁和寺傳。

系最胤法親王。又曰惟常。爲正親町帝猶子。門跡
永祿九年十月。徙自藪御所。居圓融房。御浴殿。從應
胤法親王受教。天正三年二月。爲親王。九年正月。
灌頂。御浴殿。慶長十七年十二月。爲天台座主。孝
亮叙二品。圖。寬永十六年正月。薨。號圓明院。門跡傳。
邦茂王。避世。未詳所終。惟實自有傳。
貞康親王。永祿六年十二月。爲正親町帝猶子。御
殿日爲親王。冠。御浴殿日叙二品。圖。未詳年月。九年四月。
任式部卿。御浴殿日叙二品。圖。未詳年月。九年四月。
任式部卿。御浴殿日叙二品。圖。未詳年月。九年四月。
葆光院。紹運續錄。

邦房親王。本名邦良。補任。永祿九年四月。生。御浴殿。爲
正親町帝猶子。承貞康後。伏見殿。天正三年二月。
爲親王。御浴殿日叙二品。圖。未詳年月。九年四月。
十二年正月。叙三品。補任。遷中務卿。紹運續錄。進三品。圖。
元和七年十一月。薨。號桂昌院。紹運續錄。生貞清親王。
聖久尼王。聖久尼王剃髮。爲尼。號良嶽。居曇華院。寬
永八年二月。寂。圖。
貞清親王。慶長元年。生。圖。四年十二月。爲後陽成
帝猶子。御浴殿日叙二品。圖。未詳年月。九年四月。
二品。任兵部卿。補任。紹運續錄。承應三十七年。薨。年五十九。

補任、系圖、號後妙莊嚴院。系圖、紹納權中納言宇喜
多秀家女。生邦尚親王。外婦生邦道親王。及五女。長
淺子女王。爲尼居曇華院。名聖崇。號泰嶽。寬文九年。
薨。次照子女王。適權大納言源光貞。寶永四年二月。
薨。年八十三。號天真院。系圖、一日。春雨蕭寥。欲眺雨景
于園亭。召傘而不果。色弗懌。有侍女執衣奉之。照子
被之。到亭眺望。傘亦至。乃令侍女被其衣而還。數嘉
其才。昇衣三襲。塵、次梅子女王。適右大臣源廣道。延
寶八年十月。薨。年五十三。號本光院。次顯子女王。配
大將軍源家綱。叙從三位。延寶四年八月。薨。年三十

八。號高嚴院。贈正二位。又贈從一位。季聖竺尼王。爲
尼。初居江州高島禪智院。名聖竺。號仙嶽。後徙曇華
院。受聖崇尼王業。寬文十年六月。薨。系圖、
邦尚親王。慶長十八年生。系圖、寬永三年十月。爲親王。
孝亮因有病不冠。系圖、承應二年十一月。薨。年四十一。
號乾德院。紹運續錄、生貞致親王。
邦道親王。寬永十四年生。系圖、爲兄邦尚嗣。爲後水
尾帝猶子。系圖、慶安二年十二月。爲親王。系圖、四年十
一月。冠。系圖、任太宰帥。補任、紹運續錄、承應三年七月。薨。年十
八。號後桂昌院。紹運續錄、

貞致親王。寬永九年五月生。系圖承邦道之後。爲後水尾帝猶子。系圖萬治三年十月。爲親王。同日冠。任彈正尹。寬文五年或作七年二月。叙二品。任兵部卿。遷式部卿。系圖元祿七年五月。薨。年六十三。系圖續錄作四年七。號圓實照院。系圖納關白藤原尙嗣女。生常子女王。外婦生邦永親王。盛永親王。英王。僧圓猷。理子女王。常子女王。享保十三年九月。薨。年五十六。號常照院。系圖盛永親王。元祿二年七月。生。九年十月。爲靈元帝猶子。十一年十一月。爲親王。補任系圖。十二月。入梶井爲僧。名道仁。受業於慈胤法親王。系圖寶

永五年九月。灌頂。紀事門。六年三月。叙二品。系圖爲天台座主。補任座。五月。修安鎮法於上皇宮。六月。又修新院宮。正德三年。授戒於靈元上皇。四年十月。辭座主。門跡。享保三年三月。再爲天台座主。座主任。十月。叙二品。系圖五年十二月。進一品。補任系圖。七年十二月。辭座主。門跡。傳。十六年十月。三爲天台座主。座主任。門。跡。傳。十八年五月。薨。年四十五。門跡。傳。號悉知心院。系圖葬魚山。皇代英王。元祿二年。生。靈元帝養爲子。七年十二月。入青蓮院。八年二月。入室爲尊澄法親王弟子。十一年六月。慶熾盛光堂十

月。薨。年七歲。號智冥院。門跡傳、系圖、僧圓猷。或作元祿七
年生。九年七月。爲大僧正堯圓養子。入專修寺。寶永
五年十月。剃髮。寶曆三年正月。寂。年六十歲。號歡喜
心院。門跡傳、系圖、理子女王適權中納言源吉宗。寶永七
年六月。薨。年二十歲。號寬德院。系圖、
邦永親王。延寶四年三月。生。系圖、天和三年三月。爲
靈光帝猶子。元祿八年十二月。爲親王。尋冠。補任、系圖、任
中務卿。系圖、紹寶永六年五月。叙二品。補任、系圖、享保十
一年十月。進一品。聽乘牛車。出入宮中。尋薨。年五十
一。號得解脫院。系圖、紹醮福子內親王。生貞建親王。

充子女王。側室生貞良親王。庶康親王。榮懷親王。邦
光親王。基子女王。比子女王。興子女王。系圖、貞良親王。
元祿八年正月。生。十五年二月。爲東山帝養子。十六
年二月。爲親王。四月。入聖護院。尋剃髮。改名道永。系圖、
門跡傳、寶永二年。披緇。門跡傳、受業於道尊法親王。補園
城寺長吏。兼三山及新熊野檢校。門跡傳、六年六月。叙
二品。門跡傳、正德三年七月。入大峯。門跡傳、四年
七月。薨。年二十歲。皇代譜作六月、號染妙光寺。門跡傳、
傳、系圖、或庶康親王。元祿十年九月。生。或作寶永
六年十一月。爲靈元帝養子。一本紹運錄、七年四

月。爲親王。補任、門五月。入青蓮院。剃髮。改名尊祐。受業於道祐法親王。正德四年五月。從阿闍梨良經灌頂。門跡、傳十月。爲天台座主。補任、門跡、傳○享保三年。辭座主。座主五年八月。叙二品。系圖、門七年十二月。再補天台座主。十六年四月。辭。門跡、傳十八年六月。三爲天台座主。系圖、門跡、傳十二月。修東山帝二十五聖忌於宮中。四大寺修八講七日。尊祐爲第二證義。座主詔聽紫裘袋。宗、建元文九年秋。辭座主。座主十二月。進一品。補任、建、記二年三月。奏請賜女房。奉書聽他門僧得青蓮院許着紫衣。宗、建延享二年九月。

五下恐脫
年字

四補天台座主。系圖、門閏十二月。聽乘牛車出入宮中。補任、門四年十月。辭座主。門跡、傳○尋薨。門跡、傳、系圖年五十一。系圖、門號蓮華壽院。系圖、門榮懷親王。元祿十四年十二月。生。系圖、門十五年七月。紹濟深法親王勸修寺室。系圖正德三年八月。爲靈元帝養子。一本、紹九月。爲親王。系圖、門跡、傳尋剃髮。改名尊孝。受戒於惠尊院僧正某。門跡、傳享保七年十二月。補東大寺別當。兼東南院寺務。系圖延享五年正月。叙一品。補任、門跡、傳二月。薨。年四十八。號光明心院。系圖、門跡、傳邦光親王。正德二年二月。生。系圖五年七月。繼義延法親王實相

院室系圖享保十年十月爲靈元帝猶子十一月爲
親王補任門跡傳尋入院剃髮改名義周受戒於大僧正
敬祐門跡傳十三年五月爲三井長吏一本紹元文五
年六月薨或作五月二十九系圖門跡傳號得不退院門跡傳
本紹元文五充或作光享保九年嫁左近衛權少將松
運紹元文五元文三年十月薨年四十號天巖院基子女
王享保八年適權大納言藤原公隆號寶壽院比子
女王享保十六年適權大納言源家重十八年十月
薨年二十三號證明院贈從一位興子女王爲尼居
禪智院名宗眞號祥山或作崇山徙居靈鑑寺享保十四

年爲靈元帝猶子系圖寶曆十四年十一月薨年五
十歲系圖
貞建親王元祿十三年十二月生系圖○紹運續爲
東山帝猶子系圖寶永六年五月爲親王補任正德五
年十月冠任兵部卿系圖享保十二年十一月叙三品
補任十二年三月進二品寬延二年九月賜隨身兵仗
寶曆四年七月叙一品聽牛車補任尋薨年五十五
號後乾德院紹運續醮二品秋子內親王生二女王
並殤外婦岡本氏生邦忠親王邦賴親王康空親王
成輔親王富子女王貞子女王安津子女王千代子

女王。康空親王。元文二年十二月生。延享二年八月入青蓮院。十月爲櫻町帝養子。寬延元年七月爲親王。補任、系圖、門跡傳八月剃髮。改名尊英。受戒於堯恭入道親王。補任、門跡傳寶曆二年七月薨。年十六。號廣修院。門跡傳成輔親王。延享元年正月生。三年十月爲櫻町帝養子。繼一乘院。十二月入里防。寶曆二年。元服。更續青蓮院。系圖、門跡傳十二月爲親王。補任、系圖三年二月入寺剃髮。改名尊眞。受戒於堯恭入道親王。十二年十月。補一身阿闍梨。門跡傳、宣下留十一月從公啓入道親王。灌頂。門跡傳、本紹運錄明和元年十二月。叙二品。補任、門跡

傳。閏十二月。補天台座主。補任、系圖、本九年四月。辭座主。門跡傳尋還補座主。補任、門跡傳安永四年八月。從良港灌頂。天明二年八月。受十九箱傳法。門跡傳五年十二月。進一品。補任、門跡傳六年五月。辭座主。宣下留、門跡傳七年二月。聽牛車。寬政七年十一月。三補座主。補任、門跡傳十一年五月。辭。八月復補座主。文化七年四月。辭。宣下留、門跡傳十三年閏八月。准三宮。補任、門跡傳文政七年三月。薨。年八十一。號施無畏王院。紀事、門跡傳富子女王。寬保元年。適權中納言源宗將。寶曆七年五月。薨。年二十八。號淨眼院。貞子女王。寶曆十二年。適權中納言源重好。

文政三年八月薨。年七十三。號貞章院。安津子女王。
明和三年。適內大臣源前豐。寬政元年十一月。薨。年
四十五。號解脫香院。千代子女王。適大僧正光遍。系圖
邦忠親王。享保十六年十二月生。寬保二年三月。爲
櫻町帝猶子。系圖三年十月。爲親王。補任○系圖十一
月。冠。任上野大守。系圖延享二年二月。叙三品。寬延二
年九月。叙二品。聽帶劔。賜隨身兵仗。寶曆五年三月。
遷兵部卿。九年五月。進一品。聽牛車。補任○系圖六月。薨。年
二十九。號圓受光院。系圖或作系圖紹運續錄。無子。
真行親王。花園帝第二子。後桃園帝同母弟也。

寶曆十年六月。徙伏見殿。爲親王。明和九年六月。叙
二品。尋薨。年十三。號真淨明院。紹運續錄
邦賴親王。本名德明。邦忠同母弟也。享保十八年十
月生。延享二年十二月。爲櫻町帝猶子。系圖門三
年五月。爲親王。補任○系圖入勸修寺。爲僧。改名寬寶。五
年六月。補東大寺別當。寶曆三年三月。灌頂。門本○系圖
錄。安永三年十一月。詔歸俗。繼伏見殿。改今名。系圖
傳。十二月。更爲親王。補任○系圖四年二月。冠。任兵部卿。
時年四十三。系圖五年二月。叙三品。七年十二月。
授二品。補任○系圖宣享和三年九月。進一品。聽牛車。補任
下留○系圖

留、系 尋薨。年七十。號窮竟覺院。系圖、門 邦賴繼統。而
患眼疾。令修驗快實祈禱。得效驗。適後桃園帝弗
豫。邦賴欲薦快實祈瘳。關白藤原尙實不聽。而止。某氏
筆或煉丹于北山。某氏 納關白藤原輔平女昌子。生
利子女王。天。外婦藤原氏生貞敬親王。弘道親王。多
屋子女王。弘道親王。安永五年十月。生。明年爲圓滿
院附弟。寬政元年正月。改爲公。延入道親王弟子。二
月。爲後桃園帝猶子。門 六月。爲親王。補任、門 閏
六月。剃髮。改名公澄。皇年 八月。入輪王寺。門 跡
二年十月。叙二品。補任、年 三年七月。受寺務。一本 紹

七年三月。進一品。系圖、門 跡傳。○十一年三月。補一
身阿闍梨。宣 四月。灌頂。門 跡傳。五月。爲天台座主。聽
乘牛車。出入宮中。補任、宣 八月。辭座主。宣 文化六
年十二月。有疾。辭寺務。年 七年四月。徙居京師里
坊。門 跡傳。文政十一年七月。因疾。徙居沙門堂。八
月。薨。年五十三。號歡喜心院。門 跡傳。多屋子女王。適
錦織寺宅慈。寬政七年二月。薨。系圖
貞敬親王。安永四年十二月。生。寬政九年閏七月。爲
後桃園帝猶子。系圖 八月。爲親王。宣 下留。尋冠。任下野
大守。系圖、宣 十年六月。叙三品。文化元年正月。遷兵

部卿。系圖、宣二年九月。叙二品。賜隨身兵仗。補任、系圖、天
保十二年正月。進一品。聽牛車。尋薨。年六十七。號勝
光明院。系圖、宣納關白藤原忠良女壽美子。側室入
江氏。生邦家親王。外婦生有道親王。忠道親王。清保
親王。萬壽王。守貴親王。嘉言親王。守脩親王。富子女
王。英子女王。東明子女王。壽賀子女王。潤屋子女王。
嘉枝子女王。幾佐子女王。崇淳尼王。系圖、有道親王。享
保二年六月。生。文化五年二月。爲光格帝養子。爲
尊真入道親王弟子。門、系圖、傳、宣八年九月。爲親王。補任、下
留。九年三月。入青蓮院。剃髮。改名尊寶。受戒於尊真。

補任、門文政十二年十月。受業灌頂。系圖、門十一月。
叙二品。系圖、十二月。補天台座主。門、系圖、傳、一爲一身阿
闍梨。系圖、天保三年九月。辭座主。尋薨。年三十一。號蓮
華壽院。一、本、紹忠道親王。文化三年八月。生。五年八
月。居一乘院。門、代、紹、傳、年六年八月。爲光格帝養子。
系圖、一、本、紹運錄。一。十三年十二月。爲親王。補任、門十四年五
月。剃髮。補任、門改名尊誠。文政五年八月。薨。年十七。
號平等院。門、紹、傳、一清保親王。文化十三年。生。門、系
圖、十四年八月。繼勸修寺。一、本、紹文政元年二月。爲
光格帝養子。系圖、一、本、紹運錄。六年十月。爲親王。七年四月。

入京極石藥師里坊。五月。剃髮。改名濟範。補任、門受戒於僧正海寶。門跡十二年十一月。補東大寺別當。一本紹天保四年十月。開東大寺正法院封。八年十月。叙二品。九年十月。補一身阿闍梨。十一月。受業灌頂。十一年正月。兼東南院寺務。一本紹十三年七月。坐事除皇統。罷諸職務。止位。出東寺。先是去年十月。與實妹幾佐子。潛行他國。不亮陰忌服。不慎戒。事發覺。殊宥其罪。幽之門室。屬隸近江守山口敬德。周防守山口成美。備中介落合直輔等。連坐。削官止位。追放焉。散狀守貴親王。文化十五年六月。生。門跡

一本紹文政五年八月。為光格帝養子。為尊誠入道親王弟子。門跡天保三年四月。入一乘院。五月。為親王。十二月。剃髮為僧。改名尊常。散狀七年六月。薨。年十九。號知心院。一本紹萬壽王。文政十三年十一月。為盈仁入道親王弟子。為光格帝養子。天保二年五月。天。年十三。系圖、一本號清淨嚴院。系圖嘉言親王。天保二年五月。為盈仁入道親王弟子。十一月。為光格帝養子。三年二月。為親王。入聖護院。剃髮。改名雄仁。受戒於僧正盈源。五月。補三井長吏。九年七月。補一身阿闍梨。尋叙二品。十月。灌頂。十年七月。入大

峯一本紹弘化四年二月爲護持僧留狀守脩親王。
文政二年生。天保三年四月爲光格帝養子。繼圓
滿院。四年四月爲親王。九月入室剃髮。爲僧改名覺
淳。受戒於雄仁入道親王。散狀留一本紹運錄。成憲親王。文政
七年正月生。系圖天保七年六月爲仁孝帝養子。爲
尊常入道親王弟子。八年十二月入一乘院。尋爲親
王。九年閏四月剃髮改名尊應。十三年三月爲興福
寺別當。嘉永元年二月叙二品。散狀留一本紹運錄。富子女王
嫁侍從松平忠堯。天保十二年六月薨。號寶臺院。英
子女王。文政六年適左近衛權中將源齊明。十年夏。

齊明薨。而薙髮號恭順院。東明子女王。天保十二年
適參議源慶壽。弘化四年夏慶壽薨。而薙髮號德信
院。壽賀子女王適大僧正光淨潤。屋子女王。天保十
一年嫁錦織寺歡慈。嘉枝子女王適大僧正光勝。幾
佐子女王坐濟範入道親王事。爲尼除系統。幽瑞龍
寺。宗淳尼王。初名万志子。文政二年爲光格帝養
子。入靈鑑寺。爲尼改名。系圖一本紹運錄。
邦家親王。享和二年生。文化十四年正月爲光格
帝猶子。二月爲親王。尋元服。任上野大守。叙三品。補任
宣下。天保十三年七月。坐濟範幾佐子事。屏居家。侍

大學少允其田治止官位。外婦玉島及侍女等連坐。或削髮。黜降有差。八月。邦家辭上野大守。落飾入道。號禪樂。散狀納關白藤原政熙女景子。生貞致親王。喜久王。外婦生豐王。滿王。誠王。有慶子女王。福喜子女王。喜久王。天保十一年。生嘉永元年三月。續青蓮院。尋爲慈性入道親王弟子。先是爲仁孝帝養子。更入輪王寺里坊。豐王。嘉永元年三月。爲今上帝養子。居仁和寺。滿王。嘉永元年七月。爲仁孝帝養子。居青蓮院。誠王。弘化四年十一月。繼圓融房。有慶子女王。爲詔仁親王養子。福喜子女王。弘化四年

六月。繼圓照寺。八月。爲仁孝帝養子。系圖貞教親王。天保五年。生弘化四年五月。爲仁孝帝養子。嘉永元年三月。爲親王。四月。冠。任兵部卿。五月。叙三品。系圖、散狀

野史卷三十一終

野史卷三十二

飯田忠彦 修
男 文彦 訓點
竹中邦香 校

皇族列傳第四

智仁親王

智仁親王。陽光院第六子。後陽成帝同母弟也。皇胤
紹運錄、皇代紀事、天正七年正月生。御浴殿上日記、紹運錄、小字古佐麻呂。親王一本帝系圖、爲關白豐臣秀吉猶子。紀事、一本帝系、十七年十二月。因秀吉請。殊建稱號。八條殿。御浴殿日記、十九年正月。爲親王。公卿補任、一本帝系、尋冠。持慶記、慶長六年三月。

任式部卿。叙二品。系圖、皇胤、紹運、續錄、寬永六年四月。患腫。薨。
年五十一。號桂光院。孝亮記、紹運、續錄、有學才。焚、日、或年。輦
下火起。殆及官闕。智仁整衣冠帶劍。上清涼殿。大呼
曰。災將延。燒禁闕。請奉玉體。避火于他處。有誰疾奏
之。時中外男女。遽驚狼狽。或視智仁威嚴。跣躄竄走。
遺老、納丹後侍從源高知女。生智忠親王。勝行親王
源忠幸。一女。女適大僧正光圓。早薨。號殊香院。系圖、勝
行親王。元和八年十二月。生。寬永四年。爲良恕法親
王弟子。九年正月。爲後水尾帝養子。十一年八月。
爲親王。孝亮記、時、名、寬、恒、九月。入曼珠院。剃髮。改名良尙。十

六年十一月。從良恕灌頂。門、跡、傳、正保三年三月。爲
天台座主。天台座主、記、公、卿、補、任、四年九月。叙二品。明曆二年。
因幕府命。徙于一乘寺。爲中興開基。寬文五年。或、作、
二月。受業灌頂。爲大阿闍梨。門、跡、傳、一貞享四年四
月。辭職。紀、事、元祿六年七月。薨。年七十二。門、跡、傳、一號
天松院。門、跡、傳、或源忠幸。小字幸丸。初如尾張。憑
權大納言源義直。後歸居京師。賜源朝臣姓。列臣籍。
稱族廣幡。補、任、任左近衛權中將。寬文四年五月。
叙從三位。八月。任權中納言。七年正月。進正三位。八
年十二月。遷權大納言。九年閏十月。辭。補、任、是日薨。年

四十六。號祥光院。補任、皇年代、畧納義直女京子。生二女。長爲尼。居正眼院。各瑞圓。號鏡山。源氏、次適、贈大納言源綱誠。元祿五年。薨。號瑩珠院。忠幸養。權中納言源通名男豐忠爲嗣。豐忠累遷至內大臣。從一位。家稱廣幡。世列清華。子孫相傳。

智忠親王。本名忠仁。圖、系元和五年十一月。生。紀寬文

三年十二月。爲親王。孝亮、記明曆三年三月。叙二品。任

中務卿。一本、帝、紀、事寬文二年七月。薨。年四十四。號天香

院。紹、運、續、錄、一、本、帝、系、紀、事初寬永中。智仁修假殿于桂里。以爲

遊觀之地。智忠襲立。復修園室。親自指揮都匠石工。

築山疊石。割桂水灌泉池。造奇閣。栽花木。以爲別業。號曰園林堂。山城志、引、實、集、詞、書無子。

穩仁親王。後水尾帝第九子。後西院帝同母弟

也。任式部卿。智忠薨。襲八條宮。進一品。寬文五年十

月。薨。年二十三。號金剛壽院。紹、運、續、錄、一、本、帝、系

長仁親王。後西院帝第一子。寬文六年。嗣。任中務

卿。延寶三年六月。薨。年二十一。號靈照院。紹、運、續、錄、一、本、帝、系

無子。弟尙仁親王嗣。

尙仁親王。後西院帝第八子。延寶三年。嗣。任彈正

尹。元祿二年八月。薨。年十九。號無量光院。紹、運、續、錄、一、本、帝、系

尚仁好學。待儒栗山潛鋒。以友臣之禮。甚敬重之。潛鋒因撰保建大紀。上箋以進。尚仁喜受焉。語

作王。靈元帝第九子也。初稱正王。元祿二年十月。

承尚仁之後。繼八條宮。更稱常磐井宮。年代畧記、一本帝系、五

年四月。薨。年四歲。號淨功德院。紹運續錄、一本帝系、

文仁親王。靈元帝第七子也。元祿九年七月。繼常

磐井宮。改稱京極宮。任兵部卿。進一品。寶永八年三

月。薨。年三十二。號智惠觀院。紹運續錄、一本帝系、外婦東對藤

原氏。生家仁親王。周典親王。美目子女王。共子女王。

周典親王。寶永三年十二月。生。五年六月。繼仁和寺。

一本帝系、享保三年六月。為靈元帝養子。尋為親

王。基長記、一本帝系、七月。剃髮。改名守恕。居仁和寺。受戒於

大僧正賴遍。本帝系、門跡傳、十一年三月。灌頂。門跡十二

月。叙二品。門跡傳、一本帝系、十四年四月。進一品。明日薨。年

二十四。號後光明壽院。一本帝系、年代畧記、美目子女王。享保

十四年。嫁專修寺圓猷。寬延中。落飾。號紫雲光院。圖系

共子女王。為尊果尼王弟子。為尼名尊梁。為靈元

帝猶子。居光照院。享保十六年。薨。年二十一。一本帝系、家

仁親王。元祿十六年四月。生。本帝系、紀事、寶永五年十二

月。為東山帝猶子。六年四月。為親王。一本帝系、公卿補任係

九、正德三年十二月。冠。任式部卿。一本帝系，享保九年二月。叙二品。補任，一本帝系。是日。因延慶中久明親王故事。行入謝之禮。前後未行此禮也。一本帝系。賜隨身兵仗。補任，一本帝系。明和四年十二月。進一品。補任，宣下留。未幾薨。年六十五。號後桂光院。紹運續錄，一本帝系。納關白藤原兼瀨女基子。生登與子女王。外婦大江氏生公仁親王。谷野氏生和義親王。維基親王。登與子女王。寬延二年。適左近衛權少將有馬賴僮。安永三年正月。薨。年五十四。號景福院。圖，系和義親王。元文六年正月。生。門跡傳，一本帝系。延享五年正月。繼知恩院。年代畧記，一本帝系。爲櫻町帝養子。

聖忍主誤

門跡傳、一寶曆三年五月。爲大將軍源家重猶子。一本帝系。四年五月。爲親王。補任，一本帝系。八月。入室剃髮。改名尊峰。受戒於大僧正圓譽。門跡傳，年代畧記。明和二年二月。叙二品。補任，門跡傳。天明八年七月。薨。年四十八。號無邊光院。門跡傳，一高蓮社俊譽乘阿齊聖。廟塔文化八年五月。贈一品。門跡傳。維基親王。或作寬延元年十一月。生。門跡傳，一本帝系。寶曆三年五月。繼一乘院。一本帝系，九年九月。爲桃園帝養子。一本帝系。十二月。爲親王。補任，宣下留。十年十二月。入寺爲僧。改名尊映。補任，一本帝系。補興福寺別當。年代畧記。明和七年十二月。叙二品。補任，宣下留。寬政

五年十月。授一品。聽牛車。補任、門跡傳、十二月。薨。年四十

六。號常寂光院。一本帝系、

公仁親王。享保十八年正月。生。小字胡佐宮。一本帝系、

續寬保二年三月。為櫻町帝猶子。一本帝系、延享二年

二月。為親王。尋冠。任上總大守。補任、十一月。叙三

品。寶曆三年十二月。進二品。聽帶劍。賜隨身兵仗。補任、

一本帝系、明和七年六月。聽牛車。宣下、是日薨。年三十八。

號清淨觀院。紹運續錄、納宣仁親王女室子女王。生

壽賀子女王。復納權大納言源宗直女壽子。無子。壽

賀子女王。明和三年。適贈太政大臣源治濟。七年七

月。薨。年十五。或作十七、號桂芳院。系圖、

盛仁親王。光格帝第五子也。文化七年九月。繼京

極宮。更稱桂宮。一本帝系、八年五月。薨。二歲。號成正覺院。

一本帝系、

節仁親王。仁孝帝第六子也。天保六年六月。繼桂

宮。七年二月。徙桂殿。尋薨。四歲。號如意實院。一本帝系、

野史卷三十二終

野史
卷三十二

庫	文	閣	內
三九函	一〇〇冊	八七二號	和書類